

虎邱新志

林森署



虎邱新志

中華民國二十四年三月出版



編輯者

黃厚誠

發行者

陳彥逸

承印者


東城米市大街
北平友聯中西印字館
電話東局四六九八

經售處

蘇州各書坊

每冊實售

大洋壹圓



塔 邱 虎

虎邱新志序

志居史之一。地理居志之一。史之志地理未詳。則省志補其略。省志之志巖壑未詳。則山志拾其遺。故省志之載地理。宜詳於史。而山志之載巖壑。又宜詳於省志也。夫山之有志。最古者皆推慧遠之廬山記略。其實晉王珣之記虎邱。當爲諸志之嚆矢。然王珣之記虎邱也。簡而未詳。厥後王賓文肇祉顧湄周永年茹思德陸肇域諸公。先後繼起。編纂成書。凡山寺溪橋。皆詳載無遺。是虎邱已早有詳志。不待再志。而余亦不敢再志也。顧陸肇域之纂虎阜志。距今已二百餘年矣。其間寺院之廢興。臺榭之遷改。已屢易滄桑。訪古者欲尋遺蹟。而蔓草荒烟。湮不可考。僅憑販夫舟子作詭誕之說。藉以動人觀聽。豈不使有識者。乘興而來。敗興而返耶。民國辛未。余遷調蘇州關。

每乘公暇。艤舟來遊。流連忘返。昔白居易之治郡於蘇州也。每年遊虎邱十二次。自謂非少亦非多。馬之駿之治權於潯墅關也。每年遊虎邱。自謂比白樂天多至三倍。而余於抱關覓渡橋時。每年往還虎邱。比馬仲良又奚啻三倍。是余之於虎邱。實結有夙緣。安可知而不言。不爲茲邱備一掌故。使來遊者。得明名山之真相哉。況虎邱之撮土片石。皆足動後人觀感之思者。以有先賢之陳跡在也。而舊志對於先賢。多遺漏未載。是又不能不補充之。使探奇訪勝者。觀先賢陳跡。勉勵自修。學其可傳者夫。民國乙亥二月。古閩黃厚誠序。

志之志雖壁未籍。顧山志創其基。姑蘇志之續此志。宜稽鉅史。而山志之志雖壁未籍。此野史志之一。史之志此野史未籍。顧志亦未籍其初。嘗

凡例

一虎邱之區域，仍按照舊志，以東自山塘橋，西至西郭橋，北距長蕩，南至野芳濱爲限。

一虎阜志舊有十景圖，今特廣爲擴充，凡有名蹟足供游眺者，皆攝一影。附印於右。

一顧志陸志，分門別類，讀者每病其中輟，不能聯貫，茲特變更舊例，融合爲一。

一舊志對於立祠之先賢，多遺漏未載，茲特爲補叙，俾崇敬先賢者，有所欽式焉。

一史傳對於先賢，間有指揭一二事，略爲貶抑者，是志概不採錄，蓋志宜寬於史也。

一題詠詩文陸志統列於藝文之類，篇帙繁多，不易尋檢，茲特將題詠某處之詩文，綴於某處之末，貼近深切，俾讀者更感興趣。

一虎邱題詠太多，不可勝載，祇能酌量選錄，先文後詩，以時代先後爲次序。

一題詠虎邱者，多係名賢碩彥，其歷史皆有參考之價值，故逐篇詩文，皆附註作者之略傳。

一是志所列之名蹟，以沿途便於遊覽者爲次序，循序探討，則虎邱全景，領略盡遍矣。

一是志之編，難免疎漏，尙望高明賜教，匡其不逮。

虎邱山

虎邱山，一名海湧山，在郡西北七里，（史記）「闔閭家在吳縣闔門外，以十萬人治冢，取土臨湖，葬經三日，白虎踞其上，故名虎邱山」，（吳越春秋）「闔閭葬此，以扁諸魚腸劍各三千爲殉，越三日，金精結爲白虎，故名」，（陸廣微吳地記）「虎邱山，避唐諱，改爲武邱，原名海湧山，在吳縣西北九里許，闔閭葬此，山中水銀爲灌，金銀爲坑」，按虎邱山，高僅一百三十尺，周二百十丈，列於他郡，不過爲樵牧之區，而南北朝吳興太守褚淵，竟謂今之所稱，多過其實，獨觀虎邱，逾於所聞，蘇東坡亦云，至蘇州不遊虎邱，爲欠事，夫以蕞爾之區，能與川嶽齊名者，（一）虎邱有久遠之歷史也，劍池試劍石爲周秦之遺蹟，短簿祠爲晉代之餘徽，生公講台點頭石憨憨泉虎邱塔則爲

六朝之故物，養鶴澗白公堤則爲唐代之廢址，唐以下更無論矣，（二）

虎邱有幽

勝之泉石

也，劍池

之水，淵

渟不竭，


鐵華之巖

，秀聳如

削，石有

千人之坐

虎邱山



，泉傳

第三之

名，峯

如海湧

，寺以

溪環，

又爲他

處所無

，其他

如循吏醇儒，高僧俠客，名士美人，或紀遊於篇什，或寄寓於僧寮，纔一信留，而溪山爲之生色，且歷代帝王，亦聞名嚮慕，秦始皇因游

海右，自滬瀆曾經此山，宋仁宗以御書三百卷，副藏虎邱，明英宗神宗敕賜虎邱寺大藏經，清康熙乾隆每次南巡皆駕幸虎邱，賜物駢蕃，所以虎邱之名，獨駕他山之上，而文人騷客更從而品題之，宋朱長文謂其有三絕，明李流芳謂其有九宜，故茲邱得享盛名，垂千餘年而不朽也。

晉王

珣 虎邱記

珣字元琳，丞相導之孫，學涉通敏，文高當世，大司馬桓溫，辟爲主簿，至重之，曰王掾必爲黑頭公，未易才也，從討袁眞，封交趾望海縣東亭侯，太元中任吳國內史，在郡爲士庶所悅，累遷尙書左僕射領選，進尙書令，加散騎常侍，太元十五年卒，贈司徒，謚獻穆，珣有別館在虎邱，與弟珉夾石澗東西以居，後改爲寺，卽今虎邱寺之故址也。

山大勢四面周回，嶺南則是山徑，兩面壁立，交林上合，蹊路下通，升降窈窕，亦不卒至，珣又爲銘序云，武邱山先名海湧山。

宋朱長文虎邱有三絕

長文，字伯原，其先剡人，後遷蘇州，十歲能屬辭，讀書輒竟夕，博聞強記，博學力行，年十九登進士第，尋授秘書省校書郎，丁父憂家居凡二十年。築室郡治西偏。故吳越錢氏金谷園，知州章帖表曰樂圃，鄉人遂稱爲樂圃先生。宋紹聖間，除秘書省正字，兼樞密院編修文字，元符初卒年六十。

虎邱之景，蓋有三絕，望山之形，不越岡陵，而登之者，見層峰峭壁，勢足千仞，一絕也，近臨郛郭，矗起原隰，旁無連屬，萬景都會，西聯穹窿，北亘海虞，震澤滄洲，雲氣出沒，廓然四顧，指掌千里，二絕也，劍池泓渟，徹海浸雲，不盈不虛，終古湛湛，三絕也，兼是絕景，冠以佛宮，寶塔精廬，重樓飛閣，碁磴陵嶒，梯巖架壑，東南之勝，罕出其右，故自晉唐至于聖朝，儒先文士，宗工逸客，風什相繼，比嘗集錄吳郡詩，得虎邱之作七十餘篇，其遺落而失傳者，又可勝道哉。

明李流芳虎邱有九宜

流芳，字長蘅，嘉定人，萬歷丙午舉人，著有檀園集。

虎邱宜月，宜雪，宜雨，宜烟，宜春曉，宜夏，宜秋爽，宜落木，宜夕陽，無所不宜，而獨不宜于遊人雜踏之時，蓋不幸與城市密邇，遊者皆以附羶逐臭而來，非知登覽之趣者也。

陳張正見從永陽王遊虎邱山詩

正見字見頤，清河人，年十三獻頌，嘗預經筵，講決疑義，吐納和順，進退詳雅，先仕陳，後仕梁。

滄波壯鬱島。雒邑鎮崇芒。未若茲山麗。嵒崿擅水鄉。地靈侔少室。塗艱像太行。重巖標虎踞。九曲峻羊腸。溜深澗無底。風幽谷自涼。桺沉餘玉氣。劍隱絕星光。白雲多異影。丹桂有藂香。遠看銀臺竦。洞塔耀山莊。瑞草生金地。天花照石梁。

唐劉長卿

謫歸後卻歸故村過虎邱詩

長卿字文房，河間人，肅宗時爲監察御史，檢校祠部員外郎，歷鄂岳觀察使，後貶播州南邑尉，終隨州刺史，善詩，號爲五言長城。

萬事依然在。無如歲月何。邑人憐白髮。庭樹長新柯。故老相逢少。同官不見多。惟餘舊山在。惆悵枉帆過。

宋蘇軾

遊虎邱詩

軾字子瞻，號東坡，眉州眉山，仁宗嘉祐二年，與弟轍同登進士，事英宗官直史館，神宗時，忤王安石，通判杭州，徙知湖州，以爲詩謗訕，逮赴臺獄，謫黃州團練副使，哲宗卽位，擢翰林學士，改承旨歷吏兵禮三部尙書，兼端明殿翰林侍讀兩學士，出知定州，再貶瓊州別駕，徙儋州，徽宗赦還，提舉玉局觀，卒於常州，年六十六，贈太師，諡文忠。

入門無平田。石路穿細嶺。陰風生澗壑。古木翳潭井。湛盧誰復見。秋水光耿耿。鐵花秀巖壁。殺氣噤蛙黾。幽幽生公堂。左右立頑礦。當年或未信。異類服精猛。胡爲百歲後。仙鬼互馳騁。（仙指清遠道士，有鬼署名幽獨，題詩於虎邱石壁曰，「青松多悲風，蕭蕭清且哀，白日徒昭昭，不照長夜臺」，李道昌爲刺史奏其事，陸龜蒙皮日休等，皆有和詩，）竊然留清詩。讀者爲悲哽。東軒有佳致。雲水麗千項。熙熙覽生物。春意破淒冷。我來屬無事。暖日相與永。喜鵲翻初旦。愁鳶蹲落景。坐見漁樵還。新月溪上影。悟彼良自怡。歸田行可請。

元 郭 麟 孫 遊 虎 邱 詩

麟孫字祥卿，吳郡人，著有祥卿集。

海峯何從來。平地湧高嶺。去城不七里。幻此幽絕境。芳遊坐遲暮。撫物惜餘景。樹暗雲巖深。花落春寺靜。野草時有香。風絮澹無影。山行紛客人。金翠競馳騁。朝來有爽氣。此意獨誰領。我來極登覽。妙靈應自省。遙看青數尖。俯視綠萬頃。逃禪問點石。試茗汲愁井。意行忘步滑。野坐懷衣冷。聊爲無事飲。頗覺清晝永。藉草方醉眠。松風忽吹醒。

明 吳

寬 遊虎邱詞，寄調江神子

寬字原博，長洲人，明成化壬辰賜進士第一，授翰林修撰，擢吏部侍郎，累官禮部尚書，卒贈太子太保，謚文定，著有匏庵家藏集。

千人石上可中亭。僧說法。鬼來聽。此事休談，但愛石磴磴。二十餘年身再到。頭已白。樹猶青。劍池一道水偏清。簡泉經。第三

名。斜陽休促客回城。小閣半間重徙倚。蘇子語。是詩銘。

明日本僧天祥

遊虎邱詩

東西兩寺今爲一。有客登臨見斷碑。剩水殘山王霸業。苦風酸雨鬼仙詩。樓臺半落長洲苑。簫鼓時來短簿祠。盤郢魚腸何處是。轆轤千尺響空池。

清吳偉業

虎邱中秋新霽詩

偉業字駿公，號梅村，太倉人，生有異質，少多病輒廢讀，而才學輒自進，爲文下筆，頃刻千言，明崇禎庚午舉人，辛未會試第一，殿試第二，授翰林院編修，陞南京國子監司業，黃道周以事下獄，先生遣人伏闕上疏，幾遭不測，明亡，號慟欲自縊，爲其夫人所覺，抱持泣曰，兒死如老親何，清帝聞其名，敦迫就國子監祭酒職，二親

流涕，促使就道，旋奉嗣母喪南還，優游林下，卒年六十三，臨終屬家人以僧服葬，勿作祠堂，勿乞銘，僅題其墓碣曰，「詩人吳梅村之墓」。

萬籟廣場合。道人心地平。天留今夜月。雨洗去年兵。歌管星河動。禪燈風露清。淒涼闔閭墓。斷壑起松聲。

山塘

路河

山塘河。爲唐白居易所鑿。藉以溝通南北。而達運河。山塘路。即白公堤。白公爲郡守時，作虎邱路。公有詩詠虎邱路。內云「自開山寺路。水陸往來頻。」蓋自有此路。行人可免病涉也。采風類記，「白公堤延亘七里，三里半爲半塘，自此至山麓，紅闌碧樹，與綠波畫舫相映，爲遊賞最勝地」，長洲志山塘河，南接沙盆潭，至通貴橋，長一百一丈有奇，由通貴橋至通濟橋，長三十六丈有奇，由通濟橋至